



LEMBAGA PELABUHAN KELANG
(PORT KLANG AUTHORITY)
Beg Berkunci 202,
Jalan Pelabuhan Utara,
42005 Pelabuhan Klang
SELANGOR DARUL EHSAN, MALAYSIA.

Tel: 603-3168 8211
Fax: 603-3168 9117
603-3168 8228
603-3168 8229
603-3167 0211

Web:<http://www.pka.gov.my>
Email:onestopagency@pka.gov.my

MS ISO 9001 : 2015 REG.NO: AR3579

(JABATAN ZON BEBAS & JABATAN DAGANGAN BERBAHAYA)

Ruj. Tuan:

Ruj. Kami: LPK:PB/600-4/1 Jld. 2 (16)

Tarikh : 27 Mac 2020

KEPADA SEMUA PENGGUNA PELABUHAN

Tuan / Puan,

PEKELILING PENGURUS BESAR LEMBAGA PELABUHAN KELANG NO. 6/2020

LANGKAH-LANGKAH BAGI MEMASTIKAN PEMBEKALAN BARANGAN KEPERLUAN KEPADA RAKYAT TIDAK TERPUTUS SEPANJANG TEMPOH PERINTAH KAWALAN PERGERAKAN (PKP)

Adalah saya dengan segala hormatnya merujuk kepada perkara di atas dan Pekeliling Pengurus Besar Lembaga Pelabuhan Kelang No. 5/2020 bertarikh 26 Mac 2020.

2. Berikutan dengan Kenyataan Media Y.B. Menteri Pengangkutan Malaysia bertarikh 26 Mac 2020 (sila rujuk lampiran), pihak Pengimport dibenarkan untuk mengeluarkan barangan yang bukan keperluan asas (*non-essential goods*) dari pelabuhan termasuk gudang / CFS yang beroperasi di dalam kawasan pelabuhan dalam tempoh yang ditetapkan (mulai **27 Mac 2020 hingga 29 Mac 2020**). Langkah ini akan membolehkan pihak Operator Gudang mengelakkan masalah kesesakan agar operasi gudang tidak terjejas.

3. Operator Gudang diminta memberikan pengecualian Caj Penstoran (*Storage Charges*) dan Caj Pengalihan (*Removal Charge*) bagi kargo barangan bukan keperluan asas (*non-essential*) yang disimpan di dalam gudang / CFS mulai 16 hingga 29 Mac 2020.

4. Sehubungan itu, Lembaga Pelabuhan Kelang menyeru semua pengguna pelabuhan untuk mengambil kesempatan ini untuk mengeluarkan semua kontena dan kargo konvensional yang disimpan di dalam pelabuhan, kargo dan barangan yang disimpan di dalam gudang / CFS serta kenderaan yang disimpan di *Vehicle Transit Centre* (VTC) dalam tempoh 27 Mac hingga 29 Mac 2020. Kegagalan untuk berbuat demikian akan menyebabkan pihak Tuan / Puan tidak dapat menikmati kemudahan pengecualian ini.

5. Kerjasama daripada pihak Tuan / Puan adalah amat dihargai.

Sekian, terima kasih.

“BERKHIDMAT UNTUK NEGARA”

Saya yang menjalankan amanah,



(KAPT. K. SUBRAMANIAM)
Pengurus Besar
Lembaga Pelabuhan Kelang

mamp/josc



**KEMENTERIAN PENGANGKUTAN
MALAYSIA**

Khamis, 26 Mac 2020

Untuk Siaran Segera

**KENYATAAN MEDIA
MENTERI PENGANGKUTAN MALAYSIA**

**TAJUK : LANGKAH-LANGKAH BAGI MEMASTIKAN
PEMBEKALAN BARANGAN KEPERLUAN KEPADA
RAKYAT TIDAK TERPUTUS SEPANJANG TEMPOH
PERINTAH KAWALAN PERGERAKAN**

1. PELEPASAN BARANGAN DI PELABUHAN

Kerajaan komited dalam menangani penularan pandemic Covid-19 dengan menghadkan pergerakan dan memastikan rakyat Malaysia tidak berkumpul secara ramai. Perintah Kawalan Pergerakan (PKP) merupakan satu keperluan yang bertujuan memutuskan rantai jangkitan kepada masyarakat seterusnya memulihkan keadaan sepenuhnya seperti sediakala.

Kerajaan amat prihatin kepada rakyat dan ingin memastikan segala keperluan asas rakyat Malaysia tidak terbantut ketika mengharungi waktu sukar ini. Pembekalan barangan keperluan ke pasar raya dan kedai-kedai runcit tidak boleh terputus.

Pada ketika ini, ruang kapasiti di Pelabuhan Klang, Pelabuhan Pulau Pinang dan Pelabuhan Johor di Pasir Gudang telah mencecah hampir 100% berikutan pemberhentian pemindahan barangan ke gudang-gudang simpanan sebelum dihantar ke destinasi akhir. Jika tidak

ditangani segera, gudang-gudang ini akan penuh dan mencecah kapasiti maksima dalam minggu ini. Perkara ini perlu diselesaikan segera supaya tidak timbul kesesakan sepanjang tempoh PKP apabila barangan keperluan asas yang diimport mulai masuk.

Merujuk kepada keputusan Kabinet pada hari Rabu, 25 Mac dan dibangkitkan dalam Mesyuarat Khas Menteri-Menteri mengenai Pelaksanaan PKP pada 26 Mac, saya telah mengarahkan supaya pelabuhan-pelabuhan yang berkaitan diberi pengecualian khas untuk memindahkan barangan yang bukan keperluan asas (non essential) untuk dialihkan ke gudang-gudang (sementara) di luar pelabuhan agar memberi ruang supaya pemindahan barangan keperluan (essential goods) dapat dibuat serta-merta antara 27 dan 29 Mac 2020.

Sehubungan itu, tindakan susulan perlu dilakukan segera di pelabuhan-pelabuhan supaya tidak berlaku kesesakan di gudang-gudang sekitar pelabuhan tersebut. Syarikat pengangkutan yang membawa barangan dengan ini diberi kebenaran untuk kerja-kerja pemindahan selama 24 jam sehari antara Jumaat, 27 Mac 2020 dan Ahad, 29 Mac 2020.

2. KELULUSAN PERGERAKAN UNTUK PERKHIDMATAN LOGISTIK

Bagi membolehkan transit dan penghantaran semua barangan, termasuk barangan keperluan (essential) dan barangan bukan keperluan (non-essential goods) dalam tempoh PKP, pihak Polis Diraja Malaysia (PDRM) akan membenarkan kenderaan pengangkut barangan ini bergerak di jalan raya antara hari Jumaat, 27 Mac dan hari Ahad, 29 Mac 2020.

Kenderaan-kenderaan yang membawa muatan barangan ini hendaklah mematuhi syarat-syarat sebagaimana yang telah dinyatakan dalam kenyataan media MKN bertarikh 18 Mac 2020. Sektor pengangkutan begitu penting ketika PKP dikuatkuasakan dan memainkan peranan utama bagi memastikan setiap isi rumah dapat mengakses keperluan harian mereka.

3. MENERUSKAN EKSPORT

Aktiviti eksport perlu diteruskan kerana ianya sangat penting bagi memastikan rantai bekalan tidak terputus dan negara yang

memerlukan barangan penting dari Malaysia juga mendapat manfaat sepenuhnya.

DATUK SERI IR. DR. WEE KA SIONG
MENTERI PENGANGKUTAN MALAYSIA
26 MAC 2020

- TAMAT -